

SOLENIDADE SANTU HOTU NIAN

(1 Novembru)

Introdusaun badak ba leitura sira

Primeira leitura: Oinsá haktuir mártir no santu sira nia koslok iha sira-nia kondisaun iha lalehan, invizível? Atu hatán ba ne'e, profeta hato'o vizaun ida.

Salmu responsoriál: Salmu ohin nian haklaken kondisaun sira entrada iha Templu Maromak nian. Nia haklaken mós rahun di'ak ba fuan moos sira. Ita mak povu boot ne'ebé la'o bá hasoru Maromak santu.

Segunda leitura: Husi ita-nia batizmu, ita sai Maromak oan no ita-nia futuru marka ona ho eternidade.

Evanjellu: Futuru ida-ne'ebé mak Maromak husik ba nia belun sira, iha ninia Reinu Lalehan? Nia rasik mak bee-matan ksolok no rahun-di'ak nian ba nia belun sira.

LEITURA I – Ap 7,2-4.9-14

Persegisaun dahuluk sira harahun komunidadade sarani sira ne'ebé sei nurak hela. Komunidadade sira ne'ebé foin hari'i sei lakon eh mohu? Profeta nia vizaun lori mensajen ida esperansa nian iha provasaun ne'e. Ne'e mak linguajen ne'ebé uza kódigu, fó hanoin Roma, persegidora sarani sira nian, maski la nomeia direktamente, hodi aplika ba nia kualifikativu Babilónia nian. Revelasaun ne'ebé fó sai mak Bibi-Oan nia vitória. Parodoksu ida! Bibi-Oan ne'ebé hasae nu'udar karan mak sei manán. Nia mak Bibi-Oan Páskua definitiva nain, Na'i Moris-Hi'as. Nia nakfilak dalan mate nian iha dalan moris ba ema hotu ne'ebé la'o tuir Nia, ho modu partikulár iha martíriu, no sira wain tebes; hori ohin ba oin sira participa iha ninia triunfu, iha festa rohan-laek ida.

LEITURA II – 1Jo 3,1-3

Mensajen daruak esperansa nian. Nia hatán ba ita-nia interrogasun eh lia-husu sira kona-ba matebian sira nia destinu. Sira-nai moris oinsá loos? Oinsá ita bele hatene, basá oras ne'e ita-nia matan la haree ona sira? No ita rasik, sei sai sá loos?

Resposta mak dedusaun ida tuir lójika: se Maromak, iha ninia domin boot, halo ita sai nia oan sira, nia sei la husi ita. Iha Jezús, ita haree ona futuru ne'ebé lori ita atu pertense ba Maromak nia família: ita sei sai hanesan Nia.

EVANJELLU – Mt 5,1-12

Haktuir tiha sé mak Jezús (kf Mt 1,1-2,23) no define tiha ninia misaun (kf Mt 3,1-4,16), Mateus apresenta misaun ne'e nia konkretizasaun: ho liafuan no ho jestu sira, Jezús propoin ba dixípulu no ema lubun-boot “Reinu”. Iha enkuadramentu ida-ne'e, Mateus ohin propoin mai ita diskursu ida kona-ba “Reinu” no nia lójika.

Karakterístika importante ida Evanjellu nian tuir Mateus ita hetan iha importánsia ne'ebé nia fó ba Jezús ninia "liafuan/sentensa" sira. Iha Evanjellu nu'udar Mateus haktuir, mosu diskursu naruk lima (kf Mt 5-7; 10; 13; 18; 24-25), iha ne'ebé Mateus tau hamutuk Jezús nia "sentensa sira" no ninia ensinamentu sira ne'ebé Nia hato'o iha okaziaun no kontestu oioin. Provavel katak autór Evanjellu dahuluk nian haree iha diskursu sira-ne'e Lei foun ida, ne'ebé troka Lei tuan fó ba Povu liuhusi de Moisés no hakerek iha livru lima Pentateuco nian. Diskursu dahuluk Jezús nian – ne'ebé Evanjellu ohin nian propoin mai ita mak parte dahuluk – koñesidu nu'udar "sermão da montanha" (kf. Mt 5-7). Mateus tua hamutuk Jezús nia liafuan sira-ne'e ho intensaun atu fó ba ninia comunidade hanorin báziku sira ba vida sarani. Evanjelista Mateus, ho forma ne'e, hakarak oferese ba comunidade sarani k'odigu étiku foun, Lei foun ida, ne'ebé supera Lei tuan ne'ebé gia Maromak nia Povu.

Mateus situa Jezús nia intervensaun ida-ne'e iha foho ida nia tutun. Indikasaun jeográfika la'ós inosente: nia evoka foho Lei nian (Sinai), iha-ne'ebé Maromak revela An no haraik ba nia Povu Lei tuan. Oras-ne'e Jezús mak, iha foho ida, oferese ba Maromak nia Povu foun Lei foun ne'ebé tenke gia ema sira hotu ne'ebé iha interese atu adere ba "Reinu".

"Rahun Di'ak sira" ne'ebé, iha diskursu dahuluk ne'e, Mateus koloka iha Jezús nia ibun, diferente husi "Rahun Di'ak sira" ne'ebé Lucas propoin (kf. Lc 6,20-26). Mateus iha "rahun di'ak" 9, enkuantu Lucas aprezena haat de'it; aleinde ne'e, Lucas hatutan ho "malisan" haat, ne'ebé ita la hetan iha testu Mateus nian; nota karakterístika seluk versaun Mateus nian mak espiritualizasaun ("kiak sira" Lucas nian, ba Mateus, mak "kiak iha espíritu") no aplikasaun Jezús nia "sentensa sira" ba comunidade nia moris no sarani sira nia komportamentu. Parese Lucas nia testu mak fiél liu ba tradisaun orijinal no Mateus nia testu hetan ona elaborasaun.

Mensajen

"Rahun di'ak sira" mak fórmula sira relativamente frekuente iha tradisaun bíblika no judaika. Nia mosu iha anúnsiu profétiku sira ksolok abanbairua nian (kf. Is 30,18; 32,20; Dn 12,12), iha agradesiemntu sira ba ksolok ohin nian (kf. Sl 32,1-2; 33,12; 84,5.6.13), nune'e mós iha ezortasaun sira ba moris iha sabedouria, neon-na'in no prudente (kf. Prov 3,13; 8,32.34; Sir 14,1-2.20; 25,8-9; Sl 1,1; 2,12; 34,9). Maski nune'e, "rahun di'ak sira" define ksolok ida Maromak mak oferese.

Ita presiza haree "Rahun di'ak sira" evanjéliku sira iha kontestu pregasaun kona-ba "Reinu". Jezús haklaken "Rahun di'ak sira" ba sira ne'ebé moris iha situasaun debilidade nian, pobreza nian, basá Maromak atu instaura daudaun "Reinu" no "ema kiak sira" ne'e nia situasaun sei muda ho modu radikál' aleinde ne'e "Rahun di'ak" basá, iha sira-nia frajilidade, debilidade no dependénsia, sira iha espíritu nakloke no fuan disponível atu simu proposta salvasaun no libertasaun ne'ebé Maromak oferese ba sira iha Jezús

"Rahun di'ak" haat uluk nian ne'ebé Mateus haktuir (vers. 3-6) iha ligasaun ba malu. Diri je ba "kiak sira" (daruak, datuluk no dahaat dezenvolve "rahun di'ak" dahuluk: "Rahun di'ak sira ba sira ne'ebé kiak iha espíritu"). Mateus fó parabéns/felisita sira ne'ebé entrega an ho konfiansa iha Maromak nia liman no buka kumpre nafatin Ninia vontade; kiak sira, ho forma konxiente, abandona atu koloka sira-nia konfiansa no esperansa iha soin sira, iha podér, iha ézitu, iha ema sira, atu hein no konfia de'it iha Maromak; kiak sira aseita atu hakribi egoízmu, aseita hamamuk husi an rasik no disponivel ba Maromak no ema sira.

"Kiak iha espíritu" mak ema sira ne'ebé aeeita atu hakribi, livremente, soin sira, hakribi orgullu rasik no autosufisiénsia, atu entrega sira nia moris ho modu inkondisionál iha Maromak nia liman, atu serví maun-alin sira no partilla buat hotu ho sira.

"Ema laran-maus sira" la'ós sira ne'ebé fraku, sira-ne'ebé suporta passivamente injustisa sira, sira-ne'ebé rekuza violénsia, sira ne'ebé tolerante no pasífiku, maski, dalabarak sira sai

vítima abuzu no prepoténsai ema injustu sira-nian... Ninia atitude pasífika no tolerante halo sira sai membru direitu nakonu “Reinu” nian.

“Sira ne’ebé tanis” mak sira ne’ebé moris iha laran-susar, iha terus, iha sofrimentu tan injustisa, tanba morsi mukit, tanba egoíзму; “Reinu” ne’ebé mai sei halo atu situasaun triste muda ba konsolasaun no ksolok...

Rahun di’ak dahaat haklaken ksolok ba “sira ne’ebé hamlaha no hamrook ba justisa”. Provavelmente, tenke haree justisa ida-ne’e, iha sentidu bíbliku – katak, iha sentidu fidelidade totál ba kompromisu sira asume ho Maromak no ho maluk sira. Jezús fó esperansa ba sira atu haree katak sira nia hamrook ba ksolok sei lakon, iha Reinu ne’ebé atu mai. Grupu daruak “Rahun di’ak sira” nian (vers. 7-11) orienta liu atu define komportamentu sarani ida nian, propoin atitude sira ne’ebé dixípulu sira tenke asume.

“Sira ne’ebé laran-sadia” mak sira ne’ebé iha fuan ho kbiit atu hanoin em seluk nia susar, atu hadomi lahó limite, atu husi ema seluk nia sofrimentu no ksolok kona sira, sira ne’eb’e iha kapasidade atu bá hasoru maluk sira no lolo liman ba sira, maski maluk sira-ne’e falla. “Sira ne’ebé fuan/laran moos” mak sira ne’ebé iha fuan onestu no leál, ne’ebé la buka atu halo aliansa ho duplisidade (oin rua) no lia-bosok.

“Sira ne’ebé harii dame” mak sira ne’ebé lakohi aseita katak violénsia no lei ema forte nian mak ukun relasaun umana sira; sira ne’e buka – maski tau sira-nia moris iha risiko – sai instrumentu rekonsiliaun nian entre ema sira.

“sira ne’ebé ema persege tanba justisa” mak sira ne’ebé luta atu instaura “Reinu” no ema aat sira hatuun sira, hamoe sira, baku sira, marjinaliza sira... Jezús garante ba sira katak buat aat la bele manán sira; no, iha dalan nia rohan, triunfu no moris nakonu hein sira.

“Rahun di’ak” ikus (vers. 11), evanjelista diri je ba membru sira ninia komunidadade nian ne’ebé halo esperiénsia persegisaun nian tanba Jezús no konvida sira atu reziste ba sofrimentu no adversidade. Ezortasaun ikus ne’e, mak aplikasaun konkreta ida ba “Rahun di’ak” dau aluk.

Haree hamutuk, “Rahun di’ak sira” husik hela mensajen ida esperansa no korajen nian ba ema kiak no fraku sira. “Rahun di’ak sira: haklaken katak Maromak hadomi sira no hamriik iha sira-nai sorin; konfirma katak libertasaun atu to’o daudaun no sira-nia situasaun atu muda daudaun; asegura katak sira moris ona iha dinámika “Reinu” ne’e nian, iha-ne’ebé sira sei hetan koslok no motis totál.